

四庫全書

子部

欽定四庫全書

全芳備祖後集卷六

宋 陳景沂 撰

果部

梨

事實祖

碎錄

梨曰快果

草本

梨山橘

爾雅

真定郡梨大如拳甘若蜜脆若

菱可以解煩結

魏文詔

上林苑有紫梨青梨大谷梨縹梨

西京雜記

淮北滎陽河濟之間千株梨其人與千戶侯等

食貨

志

粗梨薑桂

內則

譬猶粗梨橘柚其味相反而皆可于口

莊子

紀要

老子西遊與王母共食紫梨

尹喜內傳

漢武帝園一名樊川

一名御宿有大梨如五升落地則碎取者布囊盛之名

消梨

三秦記

孔融與諸兄食梨輒取小者人問其故曰小

兒當取小者

後漢

李昇本徐氏湖州安吉人其家有梨結

一實大如升其父異之將獻于郡守有謂其父曰此果非常年所有即上獻來年見索安知復有此物不如勿獻因止之會鄰里將共餐即席剖之有赤蛇在中衆大驚異俄而蛇走于母榻之下了無所見未幾其母孕知

誥

吳越史

張公大谷之梨

注

洛陽北郊張公夏梨海內惟

一株

潘岳

桓南郡每見人不快輒嗔曰君得哀家梨當復

不蒸食否舊語林秣陵有哀仲家梨甚美大如升入口即消釋言愚人不知味得好梨乃蒸食之也

世說

崔遠文

才清麗風神峻整時人目為釘坐梨言席上之珍也

唐書

李建勲罷相江南出鎮豫章一日遊西山田間茅舍老
叟教授村童公觴于其廬連食數梨賓僚有曰梨號五
臟刀斧不宜多食叟笑曰鷗冠子云五臟刀斧乃離別
之離非梨也蓋離別戕伐胸懷有若刀斧遂就架取小
冊以呈丞相乃鷗冠子東軒唐肅宗嘗夜坐召穎王三弟
同坐地上時李泌方絕粒上自燒二梨以賜之穎王等
曰臣等請聯句以為他時美談穎王曰先生年幾許顏

色如童兒信王曰夜抱九仙骨朝披一品衣不食千鍾

粟惟餐兩顆梨上曰天生此間氣助我化無為

鄴侯傳

王

夫人謂許長史曰交梨火棗是飛騰之藥要使生于胸

中今君胸中荆棘掃除未盡是以梨棗不生也

神仙傳

張

敷小名查父郃小名梨帝戲謂之曰查何如梨對曰梨

為萬果之宗查何敢比

宋書

雜著

紫花開處擅美春林綠帶垂時回光秋浦離離玉潤落

落珠圓

李道進
鼎表

沃瘠異壤舒慘以時惟氣在春具物含

滋嘉木之生于彼之基開榮布彩不離塵縑

宗孝
武贊

睢陽

東苑子園三尺新豐箭谷枝垂六斤未有生因松水產

自桐丘影連鄧橘林交苑柿來薦中厨爰頌下室事同

靈棗有願還年恐似仙桃無因留核

庾肩
吾啟

味出靈關之

陰旨潤玉津之澁豈徒真定歸美大谷滋慙將恐帝臺

妙崇安期靈棗不得孤擅玉盤獨甘仙席雖秦君得器

漢后推食望古可傳于今難再

謝朓
啟

紫梨津潤

蜀都
賦

賦詠祖

五言散句

紫實已含津

梁宣帝

山梨結小紅

少陵

色好勝梨顏

少陵

山盤薦霜梨

太白

剖破玉壺漿

聖俞

紅梨迴得霜

少陵

張梨不外求

少陵

粗梨且綴碧

酸甜如梨粗

東坡

呼兒具梨栗

少陵

但見成蹊處幾得正冠人

江總

梨傳真定間其甘如白蜜

韓忠獻

常期橘梨實穰穰落吾手

南豐

遺之解朝醒亦以蠲煩疾

老嫌冰熨齒渴愛蜜通喉

聖俞

色鮮因曉日聲脆得秋霜

陶弼

七言散句

自得佳名過冰蜜

韓忠獻

山梨顆重包還落

趙西山

真定為霜寒葉薄樊山初曉露枝低

劉筠

紫花青蒂壓枝頭秋實離離出畫樓

錢惟演

嗟予久苦相如渴却隱冰梨熨齒寒

歐陽修

嘉名舊出新豐谷美實今鄰御宿園

晏元獻

蒙名知重惠瓊實薄起金刀釘玉深

辛寅遊

嚼處春冰獻齒冷噉時雪夜沃心寒

九秋青女霜添味五夜方諸月漾津

楊文公

常滋沆瀣充肌脆不假胭脂上臉紅

韓忠獻

五言古詩

張果出李園有實大如斗擬須青女熟不奈飛廉吼
料因秋草間磊砢驪珠走磨刀垂饒涎佇立待一剖

楊道
山

遠意來佳惠秋筠啓翠籃清香殊未散奇品至相參
鳳卵辭丹穴龍珠出古潭剖輕刀七快嚼易齒牙甘

程金
紫

霜降紅梨熟柔柯已不勝未嘗蠲夏渴惟見助冬冰

東坡

甘棠詩所歌自足誇衆果愛其凌秋霜萬玉垂磊砢園

夫賸采摘市賈爭包裹

王安石

初嘗蜜經齒久嚼泉垂口蠲煩慰諸親解渴誇衆友肯

論故畦瓜寧齒洗泥藕

南豐

七言古詩

願君莫愛金花梨願君須愛紅消梨金花紅消兩般味
一般顏色如胭脂紅消食之甘如飴金花食之顰雙眉
似此悞人多少事未審之前宜辨之

邵康節

白沙張陵最宜果萬梨壓樹當高秋去年花開往獨晚

不見瓊葩腸欲斷

晁无
咎

七言絕句

玄圃雲腴滋絳質上林風御獵清香激芳尚憶瓊為樹

蠲渴應知玉有漿

丁謂

莘渭當年已誤來商山遺老更堪哀人生若要常無事

兩顆梨須手自煨

放翁

七言八句

尚想飛花映綺疏，離離秋實點塵蕪。
丹腮曉露香猶薄，玉齒寒冰嚼欲無。
舊有佳名傳大谷，誰分雪種下仙都。
柘漿不用傳金碗，猶得相如病少蘇。

劉屏山

珍寶渾疑露結成，香葩況是雪儲精。
乍驚磊落堆槃出，旋剝輕盈照骨明。
盧橘謾勞誇夏熟，柘漿未許析朝醒。
啖餘更檢桐君錄，快果知非浪得名。

朱文公

掛冠大谷肯干時，釘坐風流特地奇。
骨裡馨香衣不隔，胸中冰雪齒先知。
賣漿碎搗瓊為汁，解甲方隣玉作肌。

老子醉來渾謝客見渠倒屣只嫌疑

楊誠齋

想像含消與接枝英華集裡脆香詩外飛羣羽中懷玉
嚼出清泉滿上池益齒應餐多正好堆盤儘飮老相宜

炎蒸時節還能洗不是梨侯更有誰

楊東山

石榴

事實祖

碎錄

若榴石榴也

廣雅

安石榴有甜酢二種

廣志

一名丹若

雜俎

須

遜國有安石榴取汁盛杯中數日成美酒

扶南傳

紀要

張騫為漢使外國十八年得塗林安石榴種

博物志

晉安

帝時武陵臨沅獻安石榴一蒂六實帝問魏收荅曰石

榴房多子王新婚祈子孫衆多也帝大喜

北史

崔元微常

遇數美人其一曰石醋醋即石榴也

小說

李漢碎胡瑪瑙

送王莒曰安石榴奉送莒見之不疑食之乃知

雜著

石榴者天下之奇樹九州之名果也千房同膜十子如

一御飢療疴解醒止渴

潘岳

紫房獨熟頰膚自拆剖之則

珠散含之則冰釋

張載

若榴競裂

蜀都賦

賦詠祖

五言散句

庭榴剖朱實

江總

味美蔗為漿

退之

潛芭絳實拆

清林紫榴拆

永叔

紅榴罇玉房

山谷

試剖紫金椀滿堆紅玉珠

鄭獅

滿房蜂釀蜜一腹蚌含珠

古詩

不艷灼灼花只效離離實

宋景文

七言散句

海榴紅綻錦窠新

元稹

淚痕裏損燕脂臉剪刀裁破紅綃巾

香山

烟滋黛葉千條困露裂星房百子均

宋景文

人拾為銜真可惜皮開子落不論錢

張芸叟

盡日攜樽芳樹下何須佳醞得途林

石延年

五言絕句

開從百花後占斷羣芳色更作琴軫房輕盈瑣窻側

晏元

獻

安榴若拳石中蘊丹砂粒剖之珠滿盤不待鮫人泣

聖俞

五言古詩

榴枝苦多雨過熟折已半秋當石罌破曉日丹砂爛任

從雕俎薦豈待霜刀判張騫西使時鉤醬同歸漢

聖俞

五言律詩

高枝重欲折霜老折丹珠試剖紫金椀滿堆紅玉珠根
雖傳大夏種必近仙都題作江南信人應賤橘奴

鄭
獬

春去花垂盡紅榴暖欲然後時何所恨處獨不祈憐
葉葉自相偶重重久更鮮流珠沾暑雨故色淡朝煙
著子專寒酒移根擅化權愧非無價子刻畫竟難傳

陳
后
山

七言古詩

蟬噪秋枝槐葉黃石榴香老愁寒霜流霞已染紫霓粟
黃蠟紙裹紅瓠房玉刻冰臺含露濕爛斑似帶湘娥泣
蕭娘初嫁嗜甘酸嚼破水晶千萬粒

皮日休

玳瑁殼被枝婀娜馬牙硝骨綿敷裹霜風擊破錦香囊
鸚鵡啄殘紅豆顆美人擎在金盤腹錯認海螺斑碌碌
滿口嘗含瓊液甘一堂齒冷敲寒玉

七言絕句

庭榴結實墊芳叢一夜飛霜染茜容萬子同包無異質

金房玉隔謾重重

劉屏山

七言八句

深著紅藍染暑裳
琢成鮫玳敵秋霜
半含笑裏清冰齒
忽綻吟邊古錦囊
霧縠作房珠作骨
水晶為醴玉為漿
劉郎才為文園渴
何若星槎遠取將

誠齋

樂府祖

梁州令

翠樹芳條颭的的
裙腰初染佳人攜
手弄芳菲
綠陰紅

散共展雙紋簾插花照影窺鸞鑑只恐芳容減不堪零
落春晚青苔雨後深紅點一去門關掩重來却尋朱
檻離離秋實弄輕霜嬌紅脈脈似是燕支臉人非事往
眉空斂誰把佳期賺芳心只願長依舊春風更放明年
艷

楊梅

事實祖

碎錄

楊梅其子如彈丸正赤五月中熟味酸甜

異物志

杭州人

呼白楊梅為聖僧又按杭州圖經楊梅塢在南山近瑞

峯有紅白二種

坡注

會溪楊梅為天下之奇顥大核細其

色紫建安亦有之

郡志

紀要

楊德祖年九歲孔君平詣其父設果有楊梅孔指示兒
曰此是君家果兒應口對曰未聞孔雀是夫子家禽

雜著

鏡日繡壑照霞綺巒

江淹頌

賦詠祖

五言散句

散火楊梅林

東坡

姑射團肌雪祝融留眼睛

張芸叟

正愁春酒盡且喜火丹成

張浮休

七言散句

玉盤楊梅為君設吳鹽如花皎白雪

太白

落
落
出
羣
非
拒
柳
青
青
不
朽
豈
楊
梅

子美

羅
浮
山
下
四
時
春
廬
橘
楊
梅
次
第
新

東坡

味
方
河
朔
葡
萄
重
色
比
瀘
南
荔
子
深

正平

年
年
梅
裏
是
諸
楊
火
齊
堆
盤
更
有
香

曾文清

雪
融
火
齊
驪
珠
冷
粟
起
丹
砂
鶴
頂
殷

方秋崖

五言絕句

顥
顥
龍
睛
濕
深
深
映
石
門
自
憐
非
荔
子
不
得
薦
堯
閣

郭功

父

紅實綴青枝爛漫照前塢不及杏繁時林間有仙虎

止渴還相似和羹諒亦同不思五和裏調濟荷元功

陳景

沂

七言絕句

嶺北土寒無荔子人言形味似楊梅翠條丹實休相學

不願紅塵一騎來

陶弼

火齊無光荔實員未嘗先說齒流涎喚回天竺三年夢

參透披雲一味禪

徐竹隱

南村諸楊北村盧白花青葉冬不枯垂紅綴紫烟雨裡

特與荔子為先驅

東坡

七言律詩

梅出嵇山世少雙情知風味勝池楊玉肌半醉生紅粟
日暈微深染紫囊火齊堆盤珠徑寸醴泉繞齒柘為漿
故人遠寄吾家果味變蓬萊閣下香

誠齋

越絕諸楊盛一時與儂瓜葛不曾知一夫自笑吾衰矣
此客何從夢見之也解過江尋德祖政緣作尹是丘遲

憐渠不是南村派未免先驅事荔枝

綠陰翳翳連山市丹實纍纍照路隅未愛滿盤堆火齊
先驚探領得驪珠斜簪寶髻看遊舫細織筠籠入上都
醉裏自吟豪氣在欲乘風露摘千株

放翁

五月梅晴暑正拌楊家亦有果堪攀雪融火齊驪珠冷
粟起丹砂鶴頂殷併與文園消午渴不禁趙女蹙春山

略如荔子仍同姓直恐前身是阿環

方秋
崖

樂府祖

南柯子

德祖家誇熟錢塘五月中
碧梧桐蓋翠筠籠傾向水晶
盤內鬪嘗空
絳粟成團小清甜笑蜜濃
微酸猶解慘
人容再是玉纖撚處染輕紅

陸放翁

浪淘沙

素手水晶盤疊起仙丸紅綃碾
碎却成團安得密排金粟
徧何似雞冠
味勝玉漿寒只被宜酸莫將荔子一
般看色淡香消僂僂後纔到長安

王冠卿

枇杷

事實祖

碎錄

枇杷冬花夏實大如雞子實小者如杏味甜酢

廣志

一名

盧橘

紀要

建安元年詔山南之枇杷江南之甘橘歲為次第貢者
取一次以供廟享

雜著

盧橘夏熟

上林賦

東坡詩云盧橘楊梅尚帶酸張嘉甫問

曰盧橘是何果曰枇杷是也

冷齋夜話

今人主不思甘露醴

泉而患枇杷荔枝之腐亦鄙矣

仲長統昌言

枇杷寒暑無變

負雪舒葩予植之庭圃遂賦之云名同音器質異貞松

四序一采素華冬榮

周祇

賦詠祖

五言散句

枇杷樹樹香

少陵

攢金盧橘圃

東坡

似梅嫌足核如蜜少加酸

張浮休

有果產西蜀作花凌早寒樹繁碧玉葉柯疊黃金丸上
都不可寄味咀獨長嘆

七言散句

夢繞吳山歸月廊楊梅盧橘覺猶香

東坡

客來茶罷空無有盧橘楊梅尚帶酸

五言絕句

五月枇杷實青青味尚酸獼猴定撩亂欲待熟時難

聖俞

五言律詩

綠暗初迎夏紅殘不及春
魏花非老伴盧橘是鄉人
井落依山盡巖岨發興新
歲寒君記取松雪有蒼鱗

東坡

大葉聳長耳一梢堪滿盤
荔枝多與核金橘却無酸
雨葉低枝重漿流沁齒寒
長卿今在否莫遣作園官

誠齋

七言古詩

昭陽睡起人如玉妝臺對罷雙蛾綠
琉璃葉底黃金簇

纖手拈來嗅清馥可人風味少人知把盡春光夏乍熟
笑渠梅杏空自忙生被三郎鼓聲促上林此物今安在
望斷長安動悲哭飛猿過鳥競捶啄槎牙祇餘枯樹腹

周必大

七言絕句

五月枇杷黃似橘誰思荔枝同此時嘉名已著上林賦

却恨紅梅未有詩

聖俞

萬顆金丸綴木稠遺根漢苑識風流也知不作王家瑞

朽腐聊關聖主憂

劉屏山

七言八句

擊碎珊瑚小作珠鑄成金彈密相扶羅襦襟解春蔥手
風露氣涼冰玉膚並世身名楊氏子舊家門戶北村盧
知音未必能知味曾遣青衫淚濕無

方秋
厓

全芳備祖後集卷六

欽定四庫全書

全芳備祖後集卷七

宋 陳景沂 撰

果部

柿

事實祖

碎錄

柿朱實

說文

俗謂柿有七絕一壽二多陰三無鳥巢四無

蟲五霜葉可玩六佳實七落葉肥大

雜俎

梁侯園有烏桺



八稜

地理志

紀要

鄭虔好書苦乏紙慈恩寺貯柿葉數屋日取隸書久殆

徧

說小

雜著

鴻柿若瓜

七款

梁侯烏裨之柿

潘岳賦

裨柿被實于長浦

謝靈運

韓退之青龍寺詩終篇言赤色莫曉其故嘗見小說

鄭虔寓青龍寺乏紙取柿葉書之九月柿葉赤色退之

詩乃謂此也

東坡集

賦詠祖

五言散句

霜天熟柿栗

韓文公

柿葉綠陰合

白香山

垂實華林園柿滋味殊絕

劉恭義

五言八句

紅葉曾題字烏裨首擅場凍乾千顆蜜尚帶一林霜核
有多無底吾衰喜細嘗慙無瓊玖句報意不相當

七言古詩

秋月初吹灰笛管日出郊南暉景短友生招我佛寺行
正值芳林紅葉滿光華閃壁見神鬼赫赫炎宮張火傘
燃雲燒樹大寶駢金烏下啄潁虬卵魂翻眼暈忘處所
赤氣冲融無間斷有如流傳上古時九輪照耀乾坤旱
二三道士席其間美液屢進玻璃盃

退之

七言絕句

秋林黃葉晚霜嚴熟蒂甘香味獨蕪火傘潁虬浪裊拂

風標却似色中黔

屏山

樂府祖

西江月

味遇華林芳蒂色
蕪陽井沈朱輕勻絳蠟裏
團酥不比人間甘露
神鼎十分火棗龍盤三寸紅珠
清含冰蜜洗雲腴只恐身輕飛去

仲殊

棗

事實祖

碎錄

棗酸棗

注孟子

江東棗大而銳上者呼為壺棗

注

猶瓠也

細腰者今鹿盧棗

雅爾

棗有狗牙雞心牛尾羊角獼猴細

腰等名

雅廣

又有赤心之名

雅中

八月剝棗

詩七月

饋食之

籩其實棗

禮周

婦人之贄棋棹脯脩棗栗

禮記

安邑千樹棗

其人與千戶侯等

貨殖傳

信都出御棗

文選注

紀要

曾皙嗜羊棗而曾子不忍食羊棗

注

實小而員紫黑色

俗呼羊矢棗

孟子子

李少君以却老方見上少君曰臣嘗游

海上見安期生食棗大如瓜

漢郊祀志

七月七日西王母見

帝設玉門之棗

內傳

尹喜共老子西游王母食以玉文之

棗大如瓶

尹傳

景公曰東海中有棗華而不實何也晏子

曰昔秦繆公乘舟理天下黃布裹蒸棗至海而祓其布

破墜蒸棗故華而不實公曰吾佯問對曰嬰聞佯問者

亦當佯對

晏子春秋

秦饑應侯謂王曰五苑之棗栗請發與

之

史記

漢武帝時上林獻棗上以杖擊未央殿前楹呼朔

曰上林之棗四十九枚上曰汝何以知之對曰呼朔者上也以杖擊楹者兩木林也曰朔來朔來者棗也叱叱者四十九也上大笑賜帛十疋

外傳

王吉少時居長安其

東家有棗樹垂吉庭中吉婦取棗以啖吉吉知之以去

婦東家聞而欲伐其樹鄰里止之因請吉令還婦

本傳魏

文帝忌任城王驍壯因在下太后所共棋並啖棗帝密

以毒著諸棗中太后呼水救之不及

本紀

王敦尚武帝舞

陽公主如廁見漆箱中盛棗本以塞鼻敦謂廁上下果

遂啖之羣婢皆笑之

本傳

蕭琛預御筵醉後梁武帝以棗

投琛琛取栗擲上正中面御史中丞在坐帝動色曰此

中有人不得如此豈有說耶琛荅曰陛下投臣以赤心

臣敢不報以戰栗上笑之

本傳

鄧太師先居永樂有無核

棗人不可得永樂道士侯華竊食之

神仙傳

河中永樂縣

得無核棗有蘇氏女自少獲而食之不食五穀年五十

顏如處子自亂離後莫知所之

同上

石晉朝趙令公瑩家

庭有櫛棗婆娑異常四遠俱見望氣者話其鄰里云此

家今有登宰輔者否其後令公由太原大拜

北夢瑣言

雜著

周文弱枝之棗

潘安

信都之棗

魏都

脆若離雪甘如含蜜

傳元

因林制義赤心鯁直藹藹卿士亮此哀職

郭璞

棗膏

昏鈍

范蔚宗

棗下纂纂朱實離離宛其死矣化為枯枝人

生不能行樂何以虛謚為

賦詠祖

五言散句

饑食野棗實

傳玄

紅皺曬簷瓦

韓退之

棗圃落青璣

韓退之

棗熟從人打葵荒欲自鋤

杜少陵

垂花臨碧澗結翠依丹巘

李賀

七言散句

堂前撲棗任西鄰

杜少陵

出籬大棗垂紅淺

李賀

穀穀衣中落棗花

山谷

久聞牛尾何曾識竊比雞頭意未安

頴濱

庭前八月梨棗熟一日上樹能千回

杜少陵

秋來紅棗壓枝繁堆向君家白玉盤

永叔

日顆曝乾紅玉輭風枝臺動練羅鮮

黃山谷

五言古詩

種桃昔所傳種棗予所欲在實為美果在材為良木餘
甘入鄰家尚得饒婦逐況予秋盤中快啖取餐足風芭
陸朱繒日顆皺紅玉贄饗古已然幽詩自宜錄緬懷青

徐間萬樹蔭平陸誰云食之昏慮智乃成俗廣庭觴聖

壽以此奉肴藪願比赤心投皇明倘予燭

荆公

浮華齊水麗垂采鄭都奇白粉英靡靡紫色縹離離風
搖羊角樹日映雞心枝穀城踰石蜜蓬岳表仙儀已開

安邑美永茂玉門垂

梁簡文帝

棗下何攢攢榮華各有時棗欲初黑時人從四邊來棗

適今朝賜誰能仰視之

李善

黃葉離高柯丹棗坐自零不惜棗自零念我少弟兄

傅玄

北園有一樹布葉垂重陰外雖多棘刺內實有赤心

後秦

趙整

皮皺似龜手葉小如鼠耳君若作大車輪軸材須此

白香

山

五言排律

彼美祇園果珍同玉井船後期千歲熟今日萬珠圓地
澗仍依信欄深自帶煙結花雖最晚藏挾莫如堅大食
移根遠番禺托蒂連舊名稽藥錄新實著詩篇甜出諸

飭上香居百果前黑腰虛羨爾紅皺豈為然邂逅為公
壽婆婆安與世延暮鐘催酒散嘶馬引旗旋今作中州瑞
原從異國傳何當廣栽植欲以慰饑年

郭功父

七言古詩

樹頭陽鳥雞啄來破紅徧地青蠅老青蠅雨濕驚不飛
殘棗入泥人不掃西風落盡鳥未歸晉家齒寒空懊惱

俞聖

謾說山東第二州棗林桑泊負春游城西亦有紅千葉

人老簪花却自羞

東坡

胡桃

松子附

事實祖

碎錄

陳倉胡桃皮薄多肌陰平胡桃大而肥脆

廣志

山胡桃皮

厚而堅以斧捶方破

嶺表錄

松子樹與中國松樹同但結

實大如小栗三角肥甘香美出林邑名曰海松子

嵇氏錄

紀要

張騫使西域還得胡桃

博物志

漢末大亂宮人小黃門上

墓樹上避兵食松柏實遂不復饑舉體生毛亂既平曹

操聞而始收養之還食穀米齒落髮白

異苑

雜著

三桃表櫻胡之別

潘岳

胡桃本生西域外剛內柔甘實似

右腎欲以奉貢

晉劉涓子

賦詠祖

七言律詩

三韓萬里百株松
方丈蓬萊西復東
珠玉鐫成千歲實
冰霜吹落九秋風
酒邊脰膊牙車響
座上須臾漆櫃空
新果新嘗正新暑
繡衣使者念山翁

誠齋

七言絕句

皺殼傾來紫麥新
中藏漿水不勝春
如桃松實何曾喫
却嚼秋風柏子仁

誠齋

栗

事實祖

碎錄

隰有栗

山樞

樹之榛栗

詩

饋食之籩其實栗

周禮

女贄不過

榛栗棗脩

左傳

燕秦千樹栗其人與千戶侯等

漢書

中山好栗

何晏

諸暨產如拳之栗

地理志

有人脚弱啖栗數升遂能行

草本

紀要

古者獸多人少皆巢居以避之晝食橡栗夜棲樹上故

稱有巢氏

莊子

哀公問社於宰我宰我對曰夏后氏以松

殷人以柏周人以栗曰使民戰栗

魯論

宋有祖公者養祖

成羣曰與若茅栗也朝三而暮四足乎衆狙皆怒曰朝

四而暮三足乎衆狙皆喜

列子

宋劉秀之為丹陽尹先是

秀之從叔穆之為尹與子弟宴廳事上廳柱有一穴穆

之謂曰汝等試以栗遙擲柱入穴者必得此郡秀之入

焉後果驗

世說

王泰之幼敏悟數歲時祖母散栗於牀羣

兒競逐之泰之獨不取人問其故荅曰不取當自得賜

人皆異之

世說

殷七七名文祥能造須臾酒

一名逡巡酒

開

頃刻花嘗於一官僚處飲酒取栗散于官妓皆聞異香
惟笑七七者綴栗于鼻不可脫但聞臭氣且狂舞粉黛
狼籍人為陳過栗方陸

小說

雜著

人有折蔡氏祠前栗者故蔡邕作賦云何根莖之豐美

嗟大折以摧傷

蔡邕

擣栗鏹發

蜀都賦

賦詠祖

五言散句

採栗女猿窟

章大司

穰多栗過拳

杜少陵

山家蒸栗煖

杜少陵

夜火爆山栗

歐陽永叔

霜天熟柿栗收拾不妨遲

韓退之

山栗多瑣碎羅生雜橡栗

杜少陵

七言散句

園收芋栗未全貧

杜少陵

歲收橡栗隨狙公

杜少陵

山栗似拳應自飽

顏瀆

五言古詩

金莖氣已勁霜實繁林梢尺素走下隸一奩來遠郊中

黃比玉質外刺同芡苞

聖俞

天師攜此種至自上饒遠當時十七樹高幹寄孤巘蒼
蓬蒨藥大紫殼栴榔輒蜀都名果中推之為上選

文與可

七言絕句

老去自添腰脚病山翁服栗舊傳方客來為說朝和晚

三咽徐收白玉漿

頽瀟

遊困歸來訪栗園栗園老樹再生孫莫驚頭上見髮白

拾栗兒童長幾番

石守道

楫杻無烟雪夜長地爐煨酒熟如湯莫嗔老婦無盤釘

笑指灰中芋栗香

范石湖

七言八句

樹雜椅桐繼國風莫教林下長蒿蓬共期秋實充腸飽
不羨春花轉眼空病起數升傳藥錄晨興三咽學仙翁

櫻桃浪得銀絲薦一笑纔堪發面紅

朱文公

銀杏

事實祖

碎錄

一名鴨脚

草木志

紀要

京師無鴨脚樹駙馬王和父自南方移植于其第

歐詩注

賦詠祖

五言散句

何人栽銀杏青條數尺間

張芸叟

七言散句

宣城此物嘗充貢

晁无咎

五言古詩

鷺毛贈千里所重以其人鴨脚雖百个得之誠可珍予

問得之誰詩老遠且貧霜野橋林實京師寄時新封包

雖甚微採掇皆躬親物貴以人貴人賢而棄淪開緘重

嗟惜詩以報殷勤

永叔

鴨脚生江南名實未相浮絳囊因入貢銀杏貴中州致
遠有餘力好奇自賢侯因令江上根結實夷門秋始摘
纔三四金奩獻凝旒公卿不及識天子百金酬歲久子
漸落索索枝上稠主人雅好客贈我比珠投博望昔所
徙葡萄安石榴想其初來時厥價與此侔今也徧中國
籬邊及牆頭物性久雖在人情逐世流惟當記其始後
世知來由是亦史官法豈徒續君謳

永叔

北人見鴨脚南人見胡桃識內不識外疑若橡栗芭鴨

脚類綠李其名因葉高吾鄉宣城郡多以此為勞種樹
三十年結子防山獠剥校手無膚持置官省曹今喜生
都下薦酒厭葡萄初聞帝苑夸又復主第褒纍纍誰採
掇玉腕上金鰲金鰲文章宗分贈我已叨豈無異鄉感
感此微物遭一世走塵土鬢邊得霜毛

聖俞

五言古詩散聯

百歲蟠根地雙陰淨梵居凌雲枝已密似樸葉非疎

聖俞

魏帝昧遠圖於吳求鴨脚乃為吳人料重玩志已愜江

南有佳木修篁，人天插葉如欄。遶跡子剝杏中，甲持之。

奉漢宮百果，不相厯。

劉原父

七言古詩散聯

鴨脚半熟色猶青，紗囊馳寄江陵城。城中朱門翰林宅，清風六月吹簾旌。玉纖雪白相照爛，銀殼破玻璃明。

張無盡

七言絕句

深灰殘火畧相遭，小苦微甘韻最高。未必雞頭如鴨脚，

不妨銀杏伴金桃

誠齋

榧

事實祖

碎錄

產信州玉山縣以懷玉得名

東坡詩話

榧子味甘無毒治痔

去三蟲

本草

博士獨能名玉榧

晁無咎

五言古詩

彼美玉山果餐為金盤實瘴霧脫蠻溪青尊奉佳客客

行何以贈一語當加璧祝君如此果德膏以自澤驅襍
三彭仇已我心腹疾願君如此木凜凜傲霜雪斷為君
倚几淨滑不煩削物微興不淺此贈毋輕擲

東坡

榷樹移皆活風霜不變青冢壇雖閑寂向客每丁寧

聖俞

七言古詩

老坡文中吼闌聲凜凜當如對英峙琅然諷詠興凌雲
膛若追攀顙流涎玉山妙唱反寂寥可與言詩有我子
裁牋遠餉風露新坐我千尺黃山底初按玄轂出冰霜

小嚼清香泛窻几已輕魏帝昵蒲菊肯許唐賢魁綠李
極知入口無正味苦淡甘酸各矜美不經真識為品題
此物初焉幾不齒青青有用拔蒿萊白粲無瑕腐糠粃
士懷環瑞勿自神邂逅飛沈同一理子才超然會煜然
外澤中貞期是似味果固已驅煩邪味道更須論骨髓

屏山

平林常常談俚蠻玉山之產升金盤其中一樹斷崖立

石乳蔭根多歲寒

楊東山

全芳備祖後集卷七

欽定四庫全書

全芳備祖後集卷八

宋 陳景沂 撰

果部

瓜

事實祖

碎錄

瓠其紹瓠

注

俗呼瓠瓜為瓠紹者瓜蔓緒亦著子

但小如瓠耳

爾雅

縣縣瓜瓠

詩

七月食瓜

七月

為天子削瓜

者副之巾以絺

注

披偈反析也四析之也以巾覆焉

為國君者華之巾以綌

注

華中裂也音話 為大夫累

之

注

累褕也不巾覆

士褕之

注

不中裂橫截去褕而

已 庶人斲之

注

斲者齧也

瓜祭上環食中棄所操

環瓜頭也祭先也

禮記

委人掌聚瓜瓠

周禮

婦人之贄瓜

桃李梅

禮

吾豈匏瓜也哉焉能繫而不食

魯論

七月七日

設瓜于庭中以乞巧有蟠子布網于瓜上則為得巧

歲時

記

西瓜契丹破回紇得此種以牛糞覆棚而種大如中

國木瓜味甘可生食

五代記

紀要

齊侯使連稱管至父戍葵丘瓜時而往及瓜而代

左傳曾

子芸瓜而誤傷其根曾皙怒大杖擊其背曾子仆地有頃乃蘇孔子聞之告門弟子曰參來勿納也曾子使人

請於孔子孔子曰舜之事瞽瞍遇小捶則受大杖則走

今參事父委身以待暴怒身死陷父於不義不孝孰大

焉

家語

初刑史子臣請宋景公曰從今以往五祀日臣死

後五年五月丁亥吳亡以後五祀八月辛巳君薨刑史子臣死日朝見景公夕而死吳亡景公懼惡刑史子臣之言將死日乃逃于瓜園遂死焉

古文
瑣言

始皇密令種瓜

于驪山硯谷中溫處瓜實成使人上言曰瓜冬實有詔下博士諸生說之人人各異使往視之儒生皆至方相難不決因發機從上填之以土皆壓死

史

邵平故秦東陵侯秦滅後為布衣種瓜長安城瓜有五色甚美世謂之東陵瓜又云青門瓜

蕭何
傳

西王母謂上元夫人曰造

朱陵山食靈瓜其味甚好憶此味已七千年矣

漢武內傳

梁

大夫宋就為邊令與楚鄰界梁楚邊亭皆種瓜梁亭劬力溉灌其瓜美楚人竊而布其灌其瓜惡楚令以梁瓜之美怒因往夜竊搔梁瓜梁覺欲往報搔楚瓜宋就曰是啓怨之漸也乃遣人夜往潛為楚灌瓜楚旦往則瓜已灌伺而察之乃梁亭為之也楚人大悅因具聞楚王楚王因謝以重幣梁楚之歡由宋就也

新書

五原蔡經入

山而還謂家人曰崑崙有玉瓜光明洞徹而堅剛須以

玉井水洗之即軟可食

抱朴子

馬湘有道術嘗於江南刺

史馬植坐上冬月以酒杯盛土種瓜須臾引蔓生實食

之甚美

神仙傳

徐光能行術千里市瓜促辦丈地種之俄

而瓜生蔓開花結實乃取食之甚美

同上

後漢曹娥父溺

死娥見瓜浮而得屍

會稽志

孫鍾富春人與母居至孝篤

信種瓜為業忽有三少年來乞瓜為鍾定墓地出門悉

化為白鶴飛去

幽寢錄

姚俊種瓜菜灌園以供衣食時人

或餉一無所受

吳錄

步隲避難江南單身窮困種瓜自給

吳志

晉桑虞家園瓜熟有人踰園盜之虞見園籬多棘刺

使人為開道及盜負瓜出見道通乃送瓜叩頭虞與瓜

勿罪

史

滕曇恭年五歲母患熱病思食涼瓜土俗不產

恭歷訪不得俄過一桑門曰我有雙瓜分一相遺舉家

驚異

南史

韓虞敏兄弟早孤並有孝性家貧無以營葬共

種半畝瓜朝採暮又生遂辦葬事

史

梁杜昉亡高祖方

食瓜聞之悲不自勝

史

唐太宗食瓜美思杜如晦以其

半遣使祭之

史

王弘義賤時求鄰舍瓜不與及為御史

詭言園有白兔本縣為集人捕捉畦無遺蔓李昭德曰

昔聞蒼鷹獄吏今有白兔御史

史

代宗皇后沈氏當史

思明之亂后所在德宗即位令咨訪高力士女嘗從

后遊年貌相似后常削脯哺帝傷左指高女亦剖爪傷

左指

史

武儒衡議論勁正有風節時元稹恃宦官知制

誥衡鄙厭之會食瓜蠅集其上衡揮以扇曰適從何處

來遽集于此一座失色

史

陸贄隨帝幸梁有獻瓜果者

帝嘉其意欲授以官贄不可奏曰爵位天下之公器不

可輕也。今獻瓜一器，果一盛，則授官。後忘軀命者，何以

勸哉？

史

後周王熊與客食瓜，削瓜皮侵肉，熊意嚙之，及

瓜皮落，引手就地取而食之。客有愧色。

史

呂文穆蒙正

在龍門讀書，一日行伊水上，見賣瓜者，意欲得之，苦無

錢，其人遺一枚，公悵然食之，後作相，買園洛城東南下

直伊水，起亭以饅瓜為名，不忘貧賤也。

聞見錄

賦詠祖

五言散句

成畦爛文瓜

韓退之

秋瓜未落蒂

澄澈甘瓜濯

茶瓜留客遲

破瓜霜落指

杜少陵

瓜嚼水晶寒

甘瓜抱苦蒂

古詩

霜蔓縈寒瓜

辰日宜種瓜

山谷

瘦地翻宜粟陽坡可種瓜

浮沈亂冰玉落刃嚼冰霜

清冷冰有味甘潤玉多漿

李侍制

惟應種瓜地分我讀書功

趙紫芝

七言散句

豈傍青門學種瓜

杜少陵

每見秋瓜憶故園

翠瓜碧李沈玉甃

五言古詩

江間雖炎瘴瓜熟亦不早
栢公鎮夔國滯霧滋一掃
食新先戰士共少及溪老
傾筐蒲鵠青滿眼顏色好
竹竿

接嵌竇引注來鳥道沈浮亂冰玉愛惜如芝草落及嚼
冰霜開懷慰枯槁許以秋蒂除仍看小童抱東陵跡蕪
絕楚漢休征討園人非故侯種此何草草

杜少陵

昔聞東陵瓜近在青門外連修距阡陌子母相鉤帶

阮籍

種瓜黃臺下瓜熟子離離一摘使瓜好再摘使瓜稀三

摘猶自可四摘抱蔓歸

李泌

夏膚已粗皺秋蒂熟將脫不辭抱蔓歸聊慰相如渴

范石

湖

獨酌聖賢酒新嘗子母瓜丁寧林下友莫道故侯家
冰泉浸綠玉霜刃破黃金涼冷消晚暑清甘洗渴心

誠齋

五言八句

病骨那禁暑寒年更作愁有風依舊熱初伏幾時秋
瓜葉誰新餉饒涎小忍休金盆并花水且看玉雙浮

誠齋

風露盈籃至甘香隔壁聞綠團嬰一捏白裂玉平分
蘇爨開冰段梅山失火雲老夫供晚酌不用辦羶葷

七言絕句

事去人亡迹自留
黃花綠蒂不勝愁
誰能更向青門外

秋草茫茫覓故侯

劉長卿

故人夙有瓜畦約
走送藍輿百里間
翠甌瓊嬰纔一握

極知風味勝黃斑

劉屏山

柘漿溜溜香浮玉
蘇水沈沈色弄金
那似甘瓜能破暑

一盤霜雪洗清襟

碧團到眼舌生津
三載深慚拜賜頻
莫怪尊前最知味

東陵自是種瓜人

劉漫
塘

七言律詩

暑軒無物洗煩蒸，百果凡材得我憎。
薤井筠籠浸蒼玉，金盤碧筯薦寒冰。
田中誰問不納履，坐上適來何處蠅。

此理一杯分付與我思，明哲在東陵

山谷

瓜疇暑雨亂花飛，美實蠲煩喜及時。
薤井筠籠香發越，金刀玉手翠離披。
侯家昔見連阡盛，寶肆徒誇厚貌奇。
珍重故人分送意，臨風宛似對奇姿。

屏山
二首

呼兒急走送筠簟敵暑惟應此物堪一握青瑤含秀潤
滿衿寒雪沍清甘虞園底用修鄰怨剪棘聊應益盜慚
他日倘收遺辦種離離虎掌徧山南

一杯山茗雪花白數片甘瓜碧玉香但得心閒無箇事
人生何地不清涼

虞以良

樂府祖

壺中天

東陵美景有輕煙和月斜風吹雨一種龍鬚隨地轉不

學絲蘿兒女結就蒲青收來掌握猶帶金盤露拍浮金
井水花零亂飛舞誰信六月飄霜破開落及散銀絲
金縷冷碧淒香縈齒頰洗我塵襟煩暑杜老吟詩已公
留客此興無今古安期非誕世間有棗如許

鄭松窓

青門引

手種團團玉香起日晴初熟金刀錯落曉霜寒十分風
味獨向暑天足唐君去後雲空谷異事傳流俗刀圭
倘是神仙藥地皮捲盡猶飛肉

馬古洲

小重山

碧水浮瓜紋簟前只知閒枕手不成眠晚雲如火雨晴
天輕雲遠亭外一聲蟬池館幾年年倚欄催小艇採
新蓮多情還到芰荷邊應相憶折藕看絲牽

施叔用

木瓜

事實祖

碎錄

楸木瓜也

爾雅

宣州人種蒔滿山谷如實成則鏤紙薄其上

夜露日曝漸而變紅花如生本州以充貢焉

本草

投我以木

瓜報之以瓊琚

詩

孔子曰吾于木瓜見苞苴之禮行

詩注

紀要

唐元獻皇后思食酸味明皇以告張說因進經袖出木

瓜以獻

明皇雜記

崔涓守杭州湖上飲餞客有獻木瓜所未

嘗有也有中使即袖歸曰禁中未嘗有宜進於上頃之

解舟而去守懼得罪欲輟飲官妓作酒糾者白守某度

木瓜經宿必委中流也會送者還云果潰爛棄之矣守

異其言召問之曰此物芳脆易損必不能入獻守取香

錦賚之

唐語林

雜著

為中州之嘉禾

何承天木瓜賦

木瓜神能降時雨

杜牧之

賦詠祖

五言古詩

商州楚地戶宛在江漢偏草木已漸包果實尤可憐木
瓜大如拳橙橘家家懸隔崖有宿葉黃紫凝霜煙高秋

萬嶂出一望通鄖川都邑雖僻陋來者多名賢

張芸叟

百果多甘酸或由人所植木瓜聞衛詩贈好非玉色投
此瓊琚報蓋重車馬飾幸資藥品用少助宣調力南土

佳文章中州異肥瘠

聖俞

客心自酸楚况對木瓜山

李白

五言絕句

金平蜀路遠玉樹帝城春榮擢華堂裏逢迎欠主人

劉禹錫

沈沈黛色濃粼粼金沙絢却笑宣州房競作紅妝面

范致

七言絕句

畫漏沈沈捲瑣幃西園東觀閱芳菲
繁花滿樹似留客

應為主人休澣歸

權載之

古言疾癘由卑濕木實能醫見藥書
有力與人銷患難

無心望爾報瓊琚

張芸叟

簇簇紅葩間綠萼陽和閒暇不須催
天教爾艷足奇絕

不與天桃次第開

天下宣州花木爪日華沾液綉成花何須捱子强呈界

自有瓊琚先報衙

楊廷秀

樂府祖

蝶戀花

暈綠抽芽新葉鬪掩映嬌紅脈脈羣芳後京兆畫眉樊
素口風姿別是閨房秀 新篆題詩霜實就換得瓊琚
心事偏長久應是春來初覺有丹青傳得厭厭瘦

王道輔

李

事實祖

碎錄

或朱或黃

傳立賦

駁赤李

兩雅

上林苑有紫李青綺李青房

李綠李顏淵李合枝李羌李朱李車下李燕李侯李蠻

李

西京雜記

麥李細小青鐸李肥黏茹似鐸有離梭李有橈

李有熟李必先劈裂有黃扁李有鼠李可以染有員丘

紅李

廣志

杜陵有金李

述異記

丘中有李

詩

報之以李

詩

李

直方品題果子以綠李為首

國史補

紀要

陳仲子居於陵三日不食井上有李糟食實者過半矣
匍匐往將食之三咽然後耳有聞目有見也

孟子

李將軍

恂恂如鄙人死之日知與不知皆為流涕其忠誠信于

士大夫如此諺云桃李不言下自成蹊此言雖小可以

喻大

李廣傳

琳國多生玉葉李五千歲一熟韓終嘗食之

亦名韓終李

洞冥記

房陵朱仲有李園三十六所

閑居賦注

和

嶠性至儉家有好李求之與不過數枚王濟候其上直

率羣少詣園共啖之伐樹送一車與和公惟笑而已

語林

王安豐有好李嘗賣之恐人得種鑽其核

世說

王戎字濬

冲年七歲與羣兒戲于道側見李多實等輩競取之戎

獨不取或問故戎曰李在道旁而多子必苦也取之果

然

晉書

五原蔡縱入山而還語家人云到崑崙山有玉李

形如世間者光明洞澈而堅以玉井水洗之即軟可以

食

抱朴子

李義典選請謁不行時人語云李下無蹊徑

太傅

來禽王羲之帖云青李來禽日給藤子皆囊盛為佳函

封多不生足下所疏云此果佳可為致子當轉之吾篤
喜果今在田里惟以此故速為致此子則大惠也洪玉
父云來禽以味甘來衆禽也

法帖

永徽中魏郡村人王方

于江中灘上得一小樹埋之及長乃林檎也實大如小
黃瓠色白如玉間有朱點三四又如纈狀實為奇果光
明瑩澈又甚甘美王謹為曹州刺史得之獻于王貢于
高宗似朱柰又名五色林檎上大重之賜王文林郎名
曰文林果 嘉慶子東都嘉慶坊有李樹其實甘鮮為

京都之美果故稱嘉慶子

西京記

雜著

潛實內結豐肌外盈翠質味實形隨運成

傅玄賦

沈朱李

于寒冰

魏文帝

中山之縹李

陸士衡

賦詠祖

五言散句

夏季沈朱實

謝元暉

朱李沈不冷

韓退之

道旁多苦李

韓退之

輕籠熟李香

杜少陵

粧濃酒漸醺

鄭谷

右軍好佳果墨帖求來禽

梅聖俞

七言散句

冰盤夏薦碧實脆

韓退之

碧李翠瓜沈玉漿

朱李扶疎禽自來

東坡

野桃山杏水林檎

香山

曾見繁英出縹牆更將朱實奉華堂

宋景文

主人將膽無猜忌果下遊人但整冠

陶弼

東坡先生未歸時自種來禽與青李

東坡

熟果無時風自落半顆迎日鬬鮮紅

蘇邁

五言古詩

君子防未然不處嫌疑間瓜田不納履李下不整冠

顏延

年

桃生露井上李生桃樹旁蟲來齧桃根李樹代桃僵樹

木自相代骨肉還相忘

古詩

青玉冠西海碧石彌外區化為中國實其下成蹊衢色

潤房陵縹味奪寒氷朱

沈約

摘以筠根籠沈以石根泉濛濛粉米落粲粲葉相連

永叔

七言絕句

東都綠李萬州栽君子封題我手開把得欲嘗先悵望

與渠同別故鄉來

香山

粲粲來禽已著花芳根誰徙向天涯好看青李相遮映

風味應同逸少家

屏山

甘露落來雞子大曉風凍作水晶團西川紅錦無此色

南海綠羅猶帶酸

誠齋

枝上離離金彈丸宜隨玉食薦金盤從來物以遠為貴

酷愛閩溪荔子丹

謝幼槃
林檎

喜時能笑醉能歌眉映青山眼映波舊日美如潘騎省

只今瘦似病維摩

誠齋人
面子

柰

事實祖

碎錄

上林苑有白柰紫柰綠柰

西京雜記

紀要

王祥後母庭中有柰著子使祥守視晝驅鳥雀夜驚蟲

鼠時雨忽至祥抱柰至昏黑母見之惻然

本傳

楊惓四世同居庭有柰實落于地羣兒咸爭惓獨坐不

顧季父見之曰此兒恬裕似我

三國典略

王僧孺五歲有饋其父柰者先予僧孺孺曰大人未見

不敢先嘗不受

本傳

袁本初時有神出河東號度索君充

州蘇氏母病往禱見一布衣高冠謂度索君曰昔廬山

共食白柰忽已千年日月易流令人悵然布衣去度索

君曰此南海李少君也

神仙傳

雜著

曹植謝賜表即夕殿中虎賁宣賜臣等冬柰一大奩以

柰夏熟今則冬生物以非時為珍恩以絕口為厚

文選素

柰夏成

左思

太冲嗟其夏成子建悵其寒熟

劉孝儀

二柰效

丹白之色

潘安
仁

賦詠祖

五言散句

輕籠熟柰香

杜

山風猶滿把野露及新嘗

七言散句

素柰花開西子面

五言古詩

成都貴素質酒泉稱白麗紅紫奪夏藻裁芳掩春蕙

潘安

仁

累累後堂柰落盡風雨枝行樂偶散步倚杖聊縱窺林

葉蔽孤實山鳥曾未知物亦以晦存悟茲身世為

聖俞

茲情來問予扶病為爾起豈無山茗留獨見庭柰喜

全芳備祖後集卷八

欽定四庫全書

子部

全芳備祖後集卷九至十一

詳校官中書_臣竇汝翼

主事_臣祁韻士覆勘

總校官庶吉士_臣朱 鈐

校對官助教_臣卜維吉

謄錄監生_臣陸潮愈

欽定四庫全書

金芳備祖後集卷九

宋 陳景沂 撰

果部

櫻桃

事實祖

碎錄

楔荆桃令櫻桃也

爾雅

一名含桃以鶯鳥所含故名

呂氏春秋

一名朱桃一名麥英

本草

實深紅色者名朱櫻正黃明者

名蠟櫻

同上

仲夏之月天子羞以含桃薦寢廟

月

黎舉欲

以棖子臣櫻桃但恨不同時

金城記

李直方第果品以櫻

桃第三

國史補

紀要

漢惠帝出離宮叔孫通曰古者春嘗果方令櫻桃熟可

獻陛下勅取櫻桃獻宗廟上許之

漢書

後漢明帝于月夜

宴羣臣于園大官進櫻桃以赤瑛為盤月下視之盤與

桃同色羣臣笑云是空盤也

漢書

唐三月宰相有櫻筍厨

時為最盛

史

唐新進士有櫻桃宴

撫言

帝命侍臣升殿食

櫻桃並盛以琉璃和以杏酥飲醪醑酒

景龍記

唐文宗即

位因內園進櫻桃以奉三宮又景龍文館記上與侍臣

于樹下摘櫻桃恣食大陳宴集奏宮樂至暝人賜朱櫻

兩籠 天寶初有范陽盧子在東都下第春暮遊僧舍

有僧開講盧詣講筵至精舍有青衣攜一籠櫻桃因與

同餐青衣云娘子姓盧問之即盧子再從姑也因隨之

即夢為御史大夫為相經三十年却到昔逢攜櫻桃青

衣精舍門遂下馬升殿禮佛忽然昏醉聞講師云何久不起乃見身著白衫服飾如故問其僕曰日已午矣

李希烈始入汴聞戶曹叅軍竇良女美強取之嘗稱陳仙奇忠勇可用而妻亦竇姓願為姊姒以固其夫希烈許諾及希烈死其子不發喪欲悉誅諸將自立未決有獻含桃者竇請分遺仙奇因蠟帛丸雜果中出所謀仙奇大驚因率兵入斬之

並異聞錄

蕭穎士李林甫欲用之乃

召見時穎士居母喪即縗麻而謁林甫甫素不識見衰

麻即令斥去穎士乃為伐櫻桃詩以刺林甫云

唐史

雜著

擢無用之弱質因本枝而自芘汨羣林而非據專階庭
之右地雖先寢而或薦豈和羹之正味

穎士句

惟櫻桃之

為桃先百果而含榮烏終食而使墮雨薄洗而先零

後梁

宣帝為樹則多實為果則先熟

傳咸句

集繁星而積耀

柳文

賦詠祖

五言散句

殘櫻落紅珠

香山香

櫻桃千子紅

溫岐

倒流映碧叢
點露擎朱實

梁簡文

朱顏含遠日
翠色影長津

唐太宗

甘為舌上露
暖作腹中春

香山香

紅櫻盈眼日
白髮滿頭時

賞應歌杖杜
歸及薦櫻桃

杜少陵

赤墀櫻桃枝
隱映銀絲籠

流鶯猶故在
爭得諱含來

李商隱

惜看充鳳實痛已被鶯囀

朱實鳥含盡青樓人未歸

何因古樂府惟有鄭櫻桃

昔遊為櫻笋東道盡鴛鴦

東坡

味無羊酪美食厭楚梅酸

聖俞

昨日酪將盡今朝櫻可餐

並蒂隨宜好連心著意紅

陳後山

已驚變濃綠忽更垂繁紅

劉原父

磊落火齊珠參差珊瑚叢

七言散句

櫻桃爛熟滴階紅

東坡

鳥偷飛處啣將火人爭摘時踏破珠

香山

朱櫻此日垂朱實郭外誰家負郭田

杜陵少

捧盤小吏初宣勅當殿羣臣共拜恩

張籍

昨日南園新雨後櫻桃花發舊時枝

飽食不須愁內熱大官還有蔗漿寒

王維

蓬萊羽客如相訪不是偷桃一小兒

張祐

聞道令人好顏色神農本草自應知

崔興

石榴未拆梅猶小愛此山花四五枝

張祐

祇道朱櫻纔弄蕊及來幽圃已殘枝

聖俞

朱櫻再食雙盤日紫禁重頒四月時

盤中宛轉明珠滑舌上逡巡絳雪消

穎濱

傾盤的皪沾朝露出袖熒煌得寶珠

陳後山

敢限東君少才思不留檀口待櫻桃

王元之

階翻紅藥曾重見勅賜櫻桃亦屢經

周益公

草草杯盤莫笑貧朱櫻羊酪也嘗新

放翁

紅質離離壓彩枝熒煌珠琲粲姜蕤

張俞

五言古詩

含桃丹更圓輕質觸必碎外有千粒珠中藏半泓水何
人弄好手萬顆揚虛脆印成花鈿薄染作冰澌紫此果

非不多此味良獨美

誠齋

朝光破溪陰喧鳥聲交加櫻桃此時盛滿樹紛彩霞當

戶仍拂簾參差自相遮

劉原父

前來過南京來老櫻桃熟今來舊遊處櫻麥半黃綠

東坡

五言絕句

並蒂隨宜好連心稱意紅只堪驚老眼持此與誰同

誠齋

火齊寶瓔絡垂於綠繭絲幽禽都未覺和露折新枝

范石

湖

五言八句

故人憐一老輟食寄三山厚味非貧具先嘗愧客間甘

酸俱可口衰白不宜顏好句那能寄情深未覺慳

陳後山

綠樹帶朱實駢禽費彈丸獨先諸果熟堪奉五侯餐猩

血和瓊液蟾珠走玉盤同時得同賞芍藥滿雕欄

戴石屏

五言律詩

清曉趨丹禁紅櫻降紫宸驅禽養得熟和葉摘來新圓

轉盤傾玉鮮明籠透銀內園題兩字西掖賜三臣熒惑

精華赤醖醕氣味真如珠未穿孔似火不燒人瓊液酸

甜足金丸大小勻偷須防曼倩惜莫擲安仁已懼長尸

祿仍驚數食珍最慚恩未報飽餵不才身

山香

忍用熏酥酪從將洗玉盤流年如可駐何必九華丹

杜牧

之

離宮時薦畢樂府艷歌新石髓疑秦洞珠胎剖漢津三

桃聊並列百果獨先春清籛來君賜瑤盤助席珍甘餘

應受和園極豈能神楚客便羊酪歸期負紫萼

楊億

團團火色具繁極月光珠西望瑤池苑會城寶樹區鳳
幘生猶嫩龍睛晚未枯形標與霞彩紫府閱雲腴

上苑空枝後荒巖滿樹新
鳥銜紅映嘴猿飽滑流唇
溪寺初供佛山齋已待賓
葉襯青舒榭籠擎綠繞筠
瀉盤能宛轉就酒益甘辛

王元之

蔗漿寒上器羊酪冰中厨
細碎榴非匹尋常荔可奴還

當生林下笋食廢朝餽

石曼卿

林長景星密枝重串珠繁
摘自青絲籠來宜紫桂尊賞

鮮流火動漿熟醉霞溫

宋景文

南國饒春實繁如躑躅然已先
盧橘熟更壓荔枝圓向

日含滋液無人薦吉蠲

穀雨櫻桃落薰風拂帶斜舜絃新曲在休唱後庭花

謝希

孟

七言古詩散聯

金衣珍禽弄深樾禁籞朱櫻班若纈上幸離宮促薦新
藤籃實籠貂璫發君王日午望猗蘭翡翠一盤紅韎韐
可 丈輿

櫻桃滿甌炊赤麋槐葉揉麵紫碧絲橘中洞庭漲春綠

臙笋煎花煮甘菊
莓苔分坐葉幄低
攀條弄芳有茶藤
為君刻竹記幽會
桐葉題詩滿新翠

天台集

七言絕句

雲陽初獻滿筠籠
黃蠟新衣色半紅
今日嶺邊空對酒
偷將淚眼望秦中

張芸叟

四月江南黃鳥肥
櫻桃滿市祭朝暉
赤瑛盤裏稱殊遇

何必筠籠相發輝

陳簡齋

王母階前種幾株
水晶簾外看如無
只應漢武金盤上

瀉得珊珊白露珠

趙循道

七言八句

西蜀櫻桃也自紅
野人相贈滿筠籠
數回細寫愁仍破
萬顆勾圓訝許同
憶昨賜沾門下省
退朝擎出大明宮

金盤玉筋無消息
此日嘗新任轉蓬

杜甫

時節雖同氣味殊
未知堪薦寢園無
合充鳳食留三島
誰與鶯偷過五湖
苦筍恐難投象匕
酪漿無復瑩蟪珠

金櫻歲歲長宣賜
忍淚看天憶帝都

韓偓

漢家舊種明光殿炎帝還書本草經
似滿朝承雨露
共看傳賜出青冥香隨翠籠擎
初重色照銀盤瀉未停
食罷自知無所報空然慚汗仰高局

朱文公

滿合虛紅怕動搖尚書珍重賜櫻桃
揉籃尚帶新鮮葉
潑血猶殘舊竹條萬顆珍珠輕觸破
一團甘露輒含消
春來老病猶珍荷併食中腸似火燒

盧延遜

開門先得故人書稍喜提攜起覆盂
得句有誰知我在
嘗新此日賴吾徒傾籃的皪沾朝露
出袖熒煌得寶珠

會薦瑛盤驚一座覓腸藜口未良圖

陳後山

櫻桃一雨半彫零更與黃鸝翠羽爭計會小風留紫脆
殷勤落日映紅明摘來珠顆光如濕走下金盤不待傾

天上薦新更分賜兒童猶解憶寅清

誠齋

朱實初傳九華殿繁花舊雜萬年枝全勝晏子江南橘
莫比潘家大谷梨

崔興宗

纔見寢園春薦後非關御苑鳥銜殘歸鞍盡帶青絲籠

中使頻傾赤玉盤

王維

樂府祖

浣溪沙

雨後園亭綠暗時
櫻桃紅顆壓枝低
綠蕪紅好眼中迷
荔子天教生處遠
風流一種阿誰知
最紅深處有黃

鵲

晁无
咎

菩薩蠻

香浮乳酪玻璃椀
年年醉裏嘗新慣
何物比春風
歌唇一點紅
江湖清夢斷
翠籠明光殿
萬顆瀉輕勻
低頭

愧野人

稼軒

浪淘沙

上苑又春殘
櫻顆如丹
明光宮裏水晶盤
想得退朝花底散
宣賜千官
往事記金鑾
荔子難扳多情更有蔗漿寒
蜀客筠籠相贈處
愁憶長安

洪子大

蒲萄

事實祖

碎錄

蒲萄苗作蔓藤而極長大盛者二三本綿被山谷間花極細而黃白色其實紫白二色而形之圓銳赤心種其

汁可以釀酒

本草

一名馬乳或名水晶

雜志

紀要

李廣利為貳師將軍破大宛得蒲萄種歸漢

六帖

西域蒲

萄酒可至十年張騫使西域得之

博物志

龜茲國人奢侈

家有至千斛蒲萄酒漢使取來離宮別館傍盡種之

異國

志

大宛俗嗜蒲萄酒馬嗜苜蓿後漢使因採蒲萄苜蓿

子以歸今各處有之

全

西王母下帝設蒲萄酒

內

孟陀

以蒲萄一斛遺張讓即為涼州刺史

漢書

李元忠贈世宗

蒲萄一盤世宗報以白縑遺書曰忽荷蒲萄良深愧仰

聊以絹百疋以酬清德

北史

唐高祖賜羣臣宴御前有蒲

萄侍中陳叔達執而不食上問其故曰臣母患口乾求

之不能得上曰卿有母可遺乎遂流涕嗚咽因賜之

唐史

唐太宗破高昌收馬乳蒲萄于苑中種之併得其造酒

之法

唐史

貝邱之南有蒲萄谷天寶中沙門曇霄因遊諸

岳至此得蒲萄食之見枯蔓堪為杖大如指長五尺許
持歸本寺植之遂活高數仞蔭地幅負十丈仰觀如帷
蓋焉其實磊落紫瑩如墜人號為草龍珠帳云

雜俎

雜著

蒲陶結陰

魏都賦

石榴葡萄之珍磊落蔓衍乎側

閒居賦

蒲

萄醒酒宿醒掩露而食甘而不飴脆而不酸冷而不寒味
長汁多除煩解渴又釀以為酒甘于麴蘖醉而易醒道
之固已流涎咽唾而况親食之耶他方之果寧有匹之

者

文帝詔

賦詠祖

五言散句

一縣蒲萄熟

杜少陵

蒲萄出漢宮

李太白

露華珠顆重日耀水晶明

白氏集

七言散句

九月肅霜初熟時寶璫碌碌珠纍纍

香山

匈奴繫頸數應盡明年應入蒲萄宮

李太白

京師皆騎汗血馬回紇餒肉蒲萄宮

杜少陵

五言古詩

埜田生蒲萄纏繞一枝萬移來碧池下長苗日日高分
岐浩繁蔓修枝蟠詰曲楊翹向庭柯意思如有屬為之
立長架布護當軒綠甘液溉其根理疎看滲漉繁葩組
綬結懸實珠璣感馬乳帶輕霜龍鱗曜初旭有客汾陰
子臨堂瞪雙目自言我晉人種此如種玉釀之成美酒
令人飲不足為君持一斗往取涼州牧

劉禹錫

朱盤何累累紫乳封霜厚
今為馬谷繁昔醞涼州酒

聖俞

魚鮮合宿潤馬乳帶輕霜
染指鉉華膩滿喉甘露香
醞

成千日酒味敵五雲漿

禹錫

七言古詩

婉婉柔條萬虬蟠
累累佳實紫金寒
鮫室珠盤驚不定
蓬萊玉醞恨微酸
甘泉滲液秋香重
瑞露凝膏曉色乾

劉原父

蒲萄新條易扶蘇
椿花瑣碎滿庭除
旱乾只喜雨破土

金定四庫全書
潦潤不憂河決渠

晁元谷

卷九

蒲萄盤屈如修蛇
春來蟄起糾橫斜
延之升架鱗甲動
舊枝粲粲生光華
盤堆馬乳未敢望
殷勤灌溉意匪他

七言絕句

新莖未徧半猶枯
高架支離倒若扶
若欲滿盤堆馬乳

莫辭接竹引龍鬚

退之

竹引龍鬚卷復伸
堆盤馬乳釀青春
潑醅一斗宜延客

莫付涼州學漢人

王梅溪

涼州傳酒不勝痴銀海乘槎領得歸玉骨瘦來無一把

向來馬乳太輕肥

誠齋

君家小圃占春光眼看龍鬚百尺長移向樓邊並春井

明年垂實更陰涼

張南軒

七言八句

映日圓光萬顆餘如觀寶藏隱蝦鬚夜愁風起飄星去
曉喜天晴綴露珠宮女揀枝模錦繡論師持味比醍醐
欲收百斛供春釀放出聲名壓酪奴

山谷

纔喜盤藤捲葉生又驚厖架暗成陰
夏褰涼潤清油幕
秋摘甘寒水晶近竹猶爭一尺許
拋鬚先過兩三莖
今年乞種江西去長是茅齋怯曉晴

誠齋

樂府祖

鷓鴣天

陰陰一架紺雲涼
裊裊千絲翠蔓長
紫玉乳圓秋結穗
水晶珠瑩露凝漿
相並熟試新嘗
纍纍輕剪粉痕香

小槽壓就西涼酒
風月無邊是醉鄉

張約齋

眼兒媚

玄霜涼夜擣瑤丹
飄落翠藤間
西風萬顆明珠巧
綴零露溥沾
時人那識風流品
馬乳堆盤玉纖旋摘銀罌
分釀莫負情懽

張約齋

全芳備祖後集卷九